

001107

北京古籍出版社

北京舊志叢書

大興縣志

〔清〕張茂節 修 羅保平 等點校



北京舊志叢書

〔清〕張茂節 修 羅保平 等點校

大興縣志

北京古籍出版社

北京舊志業書出版

前言

編修地方志是我們中華民族獨有的文化傳統，歷兩千年持續不衰。現存近萬種地方志，約占我國古籍的十分之一，為祖國文化的瑰寶。北京作為歷史悠久的文化古都，修志的歷史已逾千年。至今存留的府志、州志、縣志近六十部。這些志書記載了北京地區的自然、地理、政治、文化、經濟、軍事、社會、人物等各方面大量的珍貴資料。根據北京市人民政府發出的《北京市地方志工作規劃綱要》的要求，為了繼承祖國的優秀文化遺產，借鑒歷史經驗，開展新編地方志工作，更好地為首都兩個文明建設服務，我們準備和有關單位合作，出版《北京舊志叢書》，對於有一定價值的舊志書，有計劃地進行整理出版。

北京市地方志編纂委員會辦公室

一九九五年十二月

編輯說明

大興設縣始於金貞元二年（公元一一五四年），與宛平同爲倚郭縣，共治中都。后沿襲不改。至清末，其轄區大體相當北京城東半部及其郊區一帶。天子脚下，京官難當，故從明至清初，「令茲邑者不下數十百人」，縣官變動頻繁，但「皆未聞有志」。康熙十一年（公元一六七二年）詔令編修一統志，並命省府州縣各自編修當地方志。康熙二十二年（公元一六八三年）十二月，大興知縣張茂節承命委李開泰等負責撰修，於康熙二十三年（公元一六八四年）五月，編成《大興縣志》六卷，至康熙二十四年（公元一六八五年）十二月，由張茂節總纂定稿。明初雖有《大興縣志》，但其書不傳。故此志不僅爲創始，而且是大興唯一的縣志。《大興縣志》編成迄今已有三百多年歷史，其間，大興縣政治情況幾經變化，轄區亦非復舊觀。爲了保存史料，我們認爲有必要整理出版，以作爲修志和研究北京地區的歷史、地理、經濟、文化

等方面的參考資料。

這次整理，以北京圖書館藏康熙原刻，乾隆補刊本爲底本參照所存鈔本、中國科學院圖書館藏刻本及《萬歷順天府志》、《康熙順天府志》、《康熙宛平縣志》、《進士題名碑》等有關文獻復校。

《光緒順天府志》在評價這部《大興縣志》時，指出它「不出明人志書窠臼」，由于節略縮寫和輾轉傳抄，致諸本的妄改訛譌之處很多。這次整理，對底本中的訛衍脫漏字，均酌加處理。以「」表示所補之脫漏字；以（）表示原本之訛字；併前加「」，內注改正字；以【】表示應刪之衍字；以□表示底本刊印不清，無從據補之字。底本用字頗不規範，今盡量加以統一。如「牕」「窓」「窗」，統一爲「窗」；「征收」「徵收」，統一爲「徵收」；意爲人亡之「沒」「歿」，統一爲「歿」；「升」「陞」，統一爲「陞」之類，均徑爲更改不別作標注。原沿明帝諱，以「較」代「校」、以「簡」代「檢」者，原於兄弟民族名稱加「犬旁」以示讎者，皆統爲回改。底本依時制所行提行、抬格示教，今皆不取，改爲通排。某些底本所脫之內容，如《帝

京圖略》及圖七幀，卷一《風俗考》「九月」末小注「今都中……」一段，均據抄本補入。至於原書內容之訛誤，如卷五《人才考》中將唐人高崇文列於宋朝下，將金人程寀、任熊祥、高昌福列於遼朝下之類，則因非屬文字校勘範圍，均仍舊，惟卷二《城池考》謂北京「重城築於嘉靖二十三年」，則標「」注明爲「三十二年」之誤，俾免以訛傳訛。

本書總纂者張茂節，江蘇沐陽人，拔貢出身。康熙十二年（公元一六七三年）任大興知縣。康熙十九年（公元一六八〇年）再任，與本縣舉人李開泰等編成此書。

本書標點由羅保平、運子微、袁敬慈分別擔任，并由羅保平總校，王國華復校。在本書整理過程中，承蒙北京市社會科學院歷史研究所姜緯堂研究員詳加校長核，謹致謝意。

北京市地方志編纂委員會辦公室

一九九五年十二月

大興縣志序

天下事莫易於守成，而難於創始，著作亦然。昔司馬公作史記，祖述左國，原本世史，非漫然獨創者。況才識不及司馬萬萬者哉？邑之有志也，起於周禮有職方之圖，班史有地里之志。延及後世，朝各有志，以昭一統；省各有志，以別方域；郡邑亦各有志，以紀專城。其中詳略異載，真贋異傳，雅俚異文，同爲一志，而得失較然。即其中爲所志與不爲所志者，皆有幸不幸存焉。無他，志得其人，則志成其爲志，不得其人，則志不成其爲志也。然無論志成其爲志與否，亦必各有一志在。若並無一志，則仰觀俯察，於何考稽？人官物曲，於何紀載？忠孝節義，於何闡揚？是以君子讀志書，而於成其爲志者幸之，即不成其爲志者，亦恕之。未有首善名邑，如大興之從來無志者也。

茂節 淮海末流，世祖章皇帝龍飛之初，謬膺選拔，少慚寡昧，壯困鞅掌，兩歷

外邑，幸告無過，瓜期將及，輒遭抑阻，承乏於茲者，又將及十稔矣。輦轂之下，五方輻輳，聚天下不耕不織之人，於官民雜處之地，裂百里在官在民之地，與馴獷殊性之人，簿書填委而外，日奔馳牛溲馬渤中，競競焉求免議而不可得，尚何志之可問哉？今聖天子稽古崇文，禮樂政事，邁前燦後，進金馬石渠之彥，纂輯刪修，上自祖功宗德，大政起居，前朝遺乘，旁及古史典型，山川圖畫，以至輿表地志，罔弗重加潤色，次第成書。凡期以丕顯鴻猷，敷揚大烈也。於時，兩大京兆張公皆具卓識宏材，適承命蒐羅輿志。大興實爲天下首邑，而載籍缺如，懼無以對揚天子之休命。茂節猥承茲責，俯而思焉：自有大興以來，遠不具論，即由明迄今，令茲邑者不下數十百人，皆未聞有志，顧予何人，儼然獨創其始？鮮不以爲愚且妄矣。又伏而念曰：甘可受和，白可受采，有其質也。積阜爲山，因渠成川，有所托也。萬物皆從無而之有，待其時也。今何時乎？我國家典制輝皇，百廢具舉，人生幸得遭際明時，顧敢以卑陋朴樸，謝厥責耶！用是禮聘順天孝廉李君開泰、貢生郝君

尚禮、徐君^{兆斗}，實始編輯；生員張君^采、陳君^{國銳}同校正；而參閱，則順天府學

教授邢君^{吉士}、訓導張君^{調蕭}與有力焉。閱歲二載有奇，爲綱有六，爲目三十有

二，大抵規模，悉本府志而增損之。校讎訂正，^{茂節}於風塵況瘁中，實不敢不

殫厥心。其間如輿地、營建、食貨，差足備考。惟政事中之名宦、職官，則

仕蹟隱而不傳者甚多；人物中之人材、節義，則掛漏與訛誤者亦復不少。至

若隱逸、仙釋、僑寓不過數人，而藝文則掛一漏萬，貽憾無窮。總之，事當

初肇，工期迫成，^{茂節}以淺見眇聞，滋戾茲土；諸君亦復以典籍淪沒，無從徵

信。覽者以爲志不成志而恕之，固可，罪之，亦可。予惟以是書爲茲邑創始，

如甘之受和，白之受采，亦既具其質矣。續起而修輯者，如爲山之積簣於阜，

爲川之濫觴於渠，庶不患其無所托也云爾。

敕授承德郎、直隸順天府大興縣知縣、加一級，厚丘張茂節撰。

大興縣志目錄

第一卷

輿地

分野考

沿革考

形勝考

附疆域

山川考

風俗考

古蹟考

第二卷

營建

城池考

壇壝考

學校考

公署考

里社考

附坊市

郵舍考

寺觀考

津梁考

第三卷

食貨

戶口考

徭役考

田賦考

經費考

物產考

第四卷

政事

名宦考

職官考

武備考

第五卷_上

人物

鄉賢考

人材考

節義考

第五卷_下

人物

科目考

隱逸考

僑寓考

仙釋考

第六卷

藝文

文集考

詩集考

大興縣志凡例「十」(十二) 則

一、縣舊無志，邑令張公慨然創始，復值兩大京兆張公奉命新修，乃屬泰等分任其事。始於康熙二十二年十二月，成於二十三年五月。但僅能屬草而已。至於刪削潤色，討論校正，則邑令張公實殫厥心。至二十四年十二月始竣厥事。

一、志之綱有六：曰輿地，曰營建，曰食貨，曰政事，曰人物，曰藝文。悉遵庚戌年重修府志所定體例，而目則稍爲增減。

一、輿地首分野，地上承天也。封建自召公後多不可考，故寧遵府志從缺焉。次沿革，次形勝、山川、風俗、古蹟，雖乏博稽，亦燦若列眉矣。

一、營建首城池，以重根本。次壇壝，以崇祀事。次學校，以隆教源。次公署、里社、郵舍、寺觀、津梁，以備稽考。遠代概未及詳，近世文獻多缺，覽此亦可得廢興大概矣。

一、食貨乃國計民生所係，大興戶口稀而田賦少，生聚教養，志中三致意焉。

一、政事首列名宦，以重循良，而事蹟不詳。自漢朱公浮以下，則請祀尚有待也。至於邑令姓名，則明以前皆不可考，豈非無志之過歟？詳稽續補，斷於後之君子，有望焉。

一、人物舊志首科目，而無節義。今以鄉賢居首，人才次之，別表節義爲一類，非敢與舊志異同也。中或有未確，或多遺漏，則責在重修者。

一、科目不紀唐、宋、遼、金、元者，無籍可徵也。由明以來，其仕蹟爵位亦俱有不可知者，隱逸、僑寓、仙釋寥寥數人，操觚之下能無慨然！

一、藝文以備一邑之著作，如綸音與奏議，皆當悉登，而粹莫能稽，則寧略焉。詩、古文、詩歌掛漏至多，其說詳於小序，茲不復贅。

一、每卷前有小序，慮或有未盡之義，則後爲按以申明其說。大抵此書起於草創，紕繆疏闕，知所不免，覽者「恕」（怒）其謏陋，而更爲博稽遐考以裁潤之，邑乘幸甚。

大興縣志卷之一

輿地

分野考

經曰：在天成象，在地成形。高卑雖殊，而理與氣實相爲通也。自班固取三統曆十二次，配十二野，其言最詳。又有費直說周「易」(義)、蔡邕月令章句，所言頗有先後。魏太史令陳卓更言郡國所入度數，微有異同。大抵二十八宿之分蒞九州，諒不誣矣。大興爲順天首邑，地列艮寅之交，古稱幽燕之域。考天文志，箕、尾二宿實屬分野。或謂神京攸建，則九州之分星莫不旋拱，非必如列土分州各有限制。然陰陽之精，其本在地，上應於天，斷然不爽。若

夫「微」〔薇〕垣高映於宮廷，列曜周環於禁衛，又不在分野之內矣。因集合諸家所說，以次列之，明乎作志而首天象，乃地不敢先天，以卑從尊之義云爾。志分野。

春秋元命苞曰：尾、箕散爲幽州，分爲燕國。

漢劉向曰：燕地尾、箕分野，自尾四度至斗六度，爲析木之次。

爾雅曰：析木謂之津。釋者言屬天漢之津梁，爲燕分也。

天文志云：自尾十度至南斗十一度爲析木，於辰在寅，燕之分野也。當是中台之下，下台之上。又曰：冀主北斗樞星。又曰：辰星主燕、趙、代三疆。帝王世紀曰：自尾十度至斗七度百三十五分終，爲析木之次，於辰在寅，所謂攝提格也。

唐志曰：尾、箕，析木津也。初尾七度，中箕五度，終南斗八度，應北平、漁陽等郡。

宋志曰：尾九星，去極一百二十七度半，箕四星距西北星，去極一百二十一度半。

按：諸家之說，其分度間有不同，大約皆以析木、尾、箕爲燕之躔次，是也。推步者往往以人事占驗。考上谷入尾一度，漁陽入尾三度，右北平入尾七度，涿郡入尾十六度，廣陽入箕九度。大興在昔或隸上谷，或隸漁陽，或隸涿郡，或隸右北平，或隸廣陽。要之，不離尾、箕者近是。尾九星，雨水旦中，大暑、立秋昏中，九星如尾象，故名尾。一星爲后妃，次三星爲三嬪，末二星爲妾媵。其占：九星均明，小大相承，則「後」(后)宮叙而多子。箕四星，驚蟄旦中，處暑昏中，四星如箕象，故名箕。箕有舌象，亦謂之天津，又曰天鷄，主八風。其占：四星明朗，則五穀熟，君無讒間。由推步而決徵應，似非臆說也。歷考譙周、京房、張衡諸說，俱以尾、箕分屬幽燕。今幽燕爲京師順天府，大興縣附府之郭，其分野與府爲一，明矣。天道深遠難知，姑錄其大略以俟參證焉。

沿革考

三代以上無郡縣名。秦漢以後，帝王之建都不一，而郡縣之分隸亦異，或隸